

الأربعاء 12-11-2008

439- عودة إلى ملف الإدمان الملقى في الألم: ضد الرفاهية

الوفرة والرفاهية من الظاهر

هذا الجو الأسرى: الرائق المنضب المسطح الناجح الرخو المسامح

مقدمة:

مازلنا نحاول اختبار منهج تقديم الحالات لزوار الموقع (والمتلقي عامة) سواء المختص أو غير المختص.

بدأنا أمس "من الآخر" بتقديم "مقابلة" مع المريض أثناء الاجتماع العلمي التدريبي، وسوف نقدم اليوم مقتطفات متعلقة بهذه المقابلة، من أوراق المشاهدة، وذلك بأقل قدر من التعليق أيضاً، ونؤجل مقتطفات من اللقاء العلمي حول الحالة إلى الثلاثاء القادم لنختم بالتعقيب العام يوم الأربعاء الذي يليه.

(لو سمحت لا تقرأ هذه الحلقة (النشرة) إلا بعد قراءة حلقة أمس (الحق في الألم: ضد الرفاهية "1")، أو طبعها ووضعها بجوارك ما أمكن ذلك)

شكراً

أولاً: استدراك مبدئي:

سقط أمس أن الزميل المحوّل لهذه الحالة، ورئيس قسم الإدمان، د. نبيل عبر عن عواطفه نحو المريض بما يتفق مع ما أشرنا إليه أمس، علماً بأنه الزميل المحوّل الموصى بدخولها المستشفى، وجاء تعبيره هذا مهماً بالنسبة للتأكيد على ما أشرنا إليه أمس عن عاطفة الآخرين نحو المريض، بما يشير إلى تلك الجاذبية الخاصة (حتى لو كانت سطحية) التي شكلت أغلب عواطف المحيطين.

عقب د. نبيل بعد تقديم الموجز كالتالي:

د. نبيل: أنا فيه موقفين متناقضين بيني وبين عبده (مقدم الحالة) أنا مازالت شايف الأسرة أسرة مصرية تقليدية طيبة عايزين يعملوا حاجات لأنفسهم وأولادهم وحاجات بالشكل ده،

مش شايف باثولوجى (إمراضية) كبير فى الأسرة، رغم حكاية الخمر والحشيش، وبعدين عبده قعد يزن عليا ويلج فأننا بدأت أتراجع وخفت، لأنى باحب الولد بحب العيان فعلاً وعلاقى بيّه قديمة، فمن جوابا تناقض: هل فعلاً شايف الحاجات بشكل موضوعى وان الباثولوجى مش مفهوم وان الأسرة ديه ما تطلعش هذا النوع من المرض بهذا العمق وبهذه الإزمانية؟ ولا أنا باحب العيان لدرجة إنى مش عارف أشوف المشكلة ومش قادر أشوف الباثولوجى اللى موجود فى الأسرة أو فى العيان بس.

تعقيب د. يحيى (الآن):

..... لم أذكر هذا الموقف المهم أمس، مع أنه كان الأهم، حيث أن د. نبيل رئيس قسم الإدمان له خبرة شديدة العمق فى الطب النفسى عموماً وفى هذا المجال بوجه خاص، ويستبعد أن يكون هذا الجذب من مريض دخل المستشفيات 18 مرة، وهو بهذه المقاومة، يستعبد أن يرجع الجذب الذى يصل للناس إلى تأثير ابتسامه ظاهرة كما أشرنا أمس؛ فلعل ذلك يكون أقرب إلى ما صنفناه بأنه "مزيج من الطفولة والجنس والجسارة"، والذى صاحب الجنون فى حالة د. أميمة (نشرة استشارات مهنية 9 "جاذبية غير مفهومة") فى حين تجلّى مع الإدمان فى حالتنا هذه.

ثانياً: المقتطفات من الملاحظة Sheet

وصف موجز للأب:

- س.م.ن. فى العقد السادس من العمر، مدير مالى بشركة. يبدو أصغر من سنه، أنيق، مبتسم طوال المقابلة، هادئ هدوءاً شديداً، كثير التأسف على أخطاء تافهة، يتوقف كثيراً أثناء حديثه لاختيار ألفاظ مناسبة، كثير التنقل بين الموضوعات، متحامل على الأم، وكثير الثناء على نفسه، يأس من إمكانية علاج المريض دون انزعاج لذلك.

- تخرج من الجامعة بترتيب متقدم على الدفعة كلها، عرف عنه التفوق الرياضى حيث كان يلعب كرة قدم لفريق الجامعة كما كان يشارك فى الرحلات والكشافة، بعد تخرجه تنقل ناجحاً بين عدة شركات حتى صار أهم مدير فى الشركة الحالية.

- عرف عن الأب الذكاء، والهدوء والأدب والطيبة وحب مساعدة الزملاء خاصة الأقل شأنًا، وإن كانت علاقته بمديره سيئة لعدم رغبته فى التملق حسب ذكر الأم، محبوب فى عمله بسبب تفوقه، محب للحياة بهوى السفر مرة على الأقل سنوياً زار أغلب دول العالم.

بعد زواجه من والدة المريض بدأ فى تعاطى الخمر فى المناسبات والسهر يومياً خارج المنزل ومجارة الموضة والرقص، كما كان يقوم بتقديم الخمر بالمنزل كمجارة للوسط الاجتماعى لزملاء العمل، انقطع خلال تلك الفترة عن الصلاة واستمر ذلك 10 سنوات حتى وفاة شقيقه وقريب صديق بعدها قاطع جميع اصدقائه، وامتنع عن السهر خارج المنزل كما امتنع عن تقديم الخمر بمنزله، والتزم بأداء الصلاة

بمواعيدها وواظب على صلاة الفجر والعشاء بالمسجد، يحضر حفظة قرآن للمنزل مرة أسبوعياً حتى الآن، وملتزم بالتدريب باجيم حتى الآن 3 مرات اسبوعياً.

تعقيب د. يحيى (الآن) :

يلاحظ هذا النوع من الطموح الاجتماعي والمادى والوظيفى، الذى حقق التفوق بشكل مضطرد، ولم يقتصر التفوق فى الدنيا، بل امتد إلى التفوق فى الحصول على الدرجات النهائية المطلوبة للأخرة أيضاً دون اهتمام بأى تعارض محتمل، وأيضاً امتد إلى عنايته جسده، حسب التعليمات الأكثر حداثة!! (جيم 3 مرات ... إلخ)

الأب تكملة:

يصفه المريض هكذا:

"...ملتزم فى كل حاحه، متدين، دمه خفيف، مهتم بشغله قوى، رياضى، ملتزم بصلاة الفجر فى الجامع حتى فى الشتاء، يعشق السفر، كريم قوى، مهتم بمظهره جداً، اللى فى دماغه فى دماغه، لو زعل ما يتكلمش إلا لما اصاحه، شايف ان هو الصح دائماً، مايديش فرصه للى قدامه يتكلم"

يضيف المريض فى موضع آخر:

ماكنتش باشوفه كثير على طول مشغول، لكن ينفذ طلباتى وساعات كان يقعد يذاكر لى، هو مؤمن قوى بالثواب والعقاب، وانا باعمل مشاكل كثير فىبقى يمنعنى من المصروف، يحبسنى فى البيت، وعلى طول خصامنى، ممكن خصامنى 6 شهور، ودائماً شايفنى شقى وبتاع مشاكل، وعلى طول يشتكى منى بسبب المخدرات ولما خصامنى اتبسط لأنى هأعمل اللى أنا عاوزة، لما بطلت المخدرات تسع شهور ولعبت رياضة كان بيحاول يصاحبنى وكنا بنخرج كثير مع بعض)

تعقيب د. يحيى (الآن) :

نلاحظ هنا كيف أن لهذا الوالد حضوراً محسوباً رائعاً، يمكن أن يعتبر إيجابياً من حيث الشكل، لكن يبدو أنه كان يمارس رسالة الثواب والعقاب من فوق السطح على مستوى الظاهر فقط، وبدون أية علاقة حقيقية أو إحاطة حامية، أو حوار، أو اختلاف خلّاق.

الأم تصف الأب:

"...محترم جداً جداً، كريم جداً، عطاء جداً جداً، محب للحياة، بيصلى فى الجامع، محبوب قوى فى شغله لأنه شاطر قوى، مايجيش التملق، الحياة عنده وردى وردى، مش عاوز يسمع مشاكل، ما يجيش يشيل مسئولية، نجاحه فى شغله وتدينه والسفر والفسح هما كل حياته.

تضيف الاخت:

"...بيحاول يكسب عطف الناس بأخلاقه، ما يرفض طلب لحد، قافل حه على المبادئ اللى فيه، دماغه ناشفة جداً.

تعقيب د. يحيى (الآن) :

لاحظ: عدد المرات التي استعمل فيها التأكيد : جداً جداً،
وأيضا: بيحاول يكسب عطف الناس، وخلص

وتذكر الأم أيضا عن علاقة المريض بأبيه :

هو شخصية متحفظة جداً الى يهمه الشكل والمظاهر قدام
الناس المهم الناس حاتشوف إيه، وعادل مشاكله كثير وشقى،
فكان عادل بتمصرفاته بيفضحه قدام الناس فمكاش ياخده
معه في مكان وكان رافض كل اللي بيعمله، علاقته بعادل بس
إنه يسمع مشاكله ويدى أوامر، وعقاب، يشى،

تعقيب د. يحيى (الآن) :

وكانه كان يقوم بكل ذلك ليحسن صورته أمام الناس أولا
وأخيرا (أين عادل؟)

تكمّل الأم :

مشاكل المدرسة مالوش دعوة بيها يقول روحى انت، ولو
فيه مشكله كبيرة هاتدخل وأول ما عادل عمل حادثة بالعربية
ربطه في السفرة من إيديه، لكن لما أخذ مخدرات قال سيبيه
كلنا جربنا واحنا صغيرين. ولما خبط ودخل في الرشام بقى
مخاصمه بالشهور، وانا اشيل خد لما اتعب، أشتكى، يدخله
المستشفى، وخلص، 18 مرة!!

تعقيب د. يحيى (الآن) :

مازالت التربية تسر بالحسابات الشكلية،

في نفس الوقت الذى يتمادى فيه "التفويت" حتى الهلاك،
مادام لا يشوه المنظر.

تكمّل الأم :

وعادل في تانية ثانوى باباه ضربه علقه جامده قدام
اصحابه في الشارع لأنه كان رافض يرجع البيت، بعدها عادل
بدأ يتجراً عليه، وباباه مخاصمه، لأنه ما بيعرفش يرد عليه
بلفظ مش مهذب (أوحش كلمه عنده يا حمار).

تعقيب د. يحيى (الآن) :

الإهانة أمام الاقران (أصحاب عادل) هي من أكثر ما يمكن
أن يلحق بشاب الأذى في هذه السن وطأة، ويبدو أنها كانت من
أهم عوامل التمدادى في الرفض المعلن بالتعاطى والاستغراق في
اللذة،

كما نلاحظ أيضا هذا الأدب الجم الذى يحرص عليه الوالد
وأن غاية ما يسمح به لنفسه حتى يشتم ابنه هو قوله يا
"حمار"، علما بأن هذا الوالد قد ولد في حى شعبي جدا في
القاهرة لأب تاجر متواضع نازح من الصعيد.

تضيف الأخت عن علاقة الأب بعادل:

قبل المخدرات بابا يعاقبه كثير وبعد المخدرات بيعامله كإنه مش موجود ولو اتكلم يبقى نصائح لأن بابا ضعيف وما يحبش المواجهة ويخاف أحسن عادل يغلط فيه.

تعقيب د. يحيى (الآن):

لعل من أهم ما يصف الموقف المراد تعريضه هنا هو تعبير الأخت "... لأن بابا ضعيف وما يحبش المواجهة"، هذا النوع من الضعف الذى لاحظته الابنة مازال يؤكد المستوى الظاهر المعلن للصورة التى هى كل ما يحرص عليه الأب على حساب حقيقة ذاته، وعلى حساب علاقته بابنه، هذا الأب: كل همه أنه "يخاف أحسن عادل يغلط فيه"، كل همه ألا يعرف مجتمعه الخاص شيئا عن سلوك ابنه حتى لا يشوه صورته، هذا هو المهم جدا جدا، فقط وليس عادل.

شخصية الأم:

م.ب.س امرأة فى أواخر العقد الخامس، بها جمال حى، ولدت بنفس الحى الشعى، والدها وصل إلى درجة أكاديمية عالية بعد كفاح فى عمل متوسط، عرف عن أسرته الالتزام الشديد والتفوق العلمى، حجت مرة واحدة واعتمرت عدة مرات وكانت تحفظ عدة أجزاء من القرآن الكريم، قلّ تدينها فى العشرة سنوات الأوائل من زواجها حيث لازمت والد المريض فى سهراته وحبه للموضة والسفر، تعرف حالياً بتدينها، وكرمها الشديد، كثيرة الأصدقاء، كثيرة الشك، متقلبة المزاج، تهوى المرح، تعشق مشاهدة التليفزيون.

يصفها المريض:

طيبة، متدينة، هادية، حلالة مشاكل، علاقتها بالناس كويسة، ناجحة فى الشغل، مانعرفش تطبخ، تنترفز بسرعة وتهدا بسرعة، تحب تهتم بمظهرها.

يصفها الأب:

تحب تعيش اللحظة، ماعندهاش خطط لبكره، متردة، عفوية فى ردود أفعالها، عاطفية قوى، الى فى دماغها فى دماغها، ماتجاملش، مواعيدها مش دقيقة، تتكلم كويس، تبالغ شوية فى الكلام، مالهش فى المظاهر، عندها اصحاب كثير، لما تغلط صعب تتأسف.

تصفها الاخت:

طيبة جداً، قريبة لينا جداً، حنينة، تحب الضحك والتهريج، اجتماعية جداً، شاطرة قوى فى الشغل، تحب تعمل خير كثير، عاطفية وتحكم بعواطفها، تخضع للزن بسهولة، كسولة، قلقوة قوى، تتوقع الوحش، ساعات تعك فى الكلام، بتنسى جامد.

يحكي المريض عن علاقتها به :

... العلاقة كويسة قوى، باحكي لها كل حاجة كأنها واحد صاحب لانها قريبة قوى مني، دائماً فاتحة لي مجال اني اتكلم معها في كل حاجة، أقول لها انا ضارب إيه واوريها المخدرات. هي اللي مهتمة بي. زمان كانت توديني النادى وهى كانت ولية أمري في المدرسة، وهى تعرف صاحباتي وكانت بتسمح لهم يحول البيت لكن ممنوع أوضة النوم، أنا عارف آخرها ايه وبأخذ منها اللي أنا عاوزه.

تذكر الأخت عن هذه العلاقة :

عادل عارف نقطة ضعفها وعارف انها بتزهق بسرعة فبيلعب عليها لأنه عارف انها بتجبه جداً، واحنا صغيرين دائماً عاوز طلبات زيادة، ماما ترفض في الأول يزن عادل شوية، يأخذ اللي عاوزه، هي دائماً تدور عليه تشوفه بيعمل إيه، وتبقى جنبه عارفة عنه كل حاجة، بس ده ميوظ العلاقة بينهم، نصحنها كتير تبعد شويه عنه علشان تعرف تتكلم معاه، تسمع الكلام ساعة، اول ما يحس هو يجرى عليها تحن على طول وتقعد جنبه، ودائماً يتفرجوا على التليفزيون مع بعض، ولما يدخل المستشفى ما تعرفش تعمل حاجة إلا السؤال عليه.

تعقيب د. يحيى (الآن) :

هذه الأم تبدو من الظاهر مثلاً هيملا للطيبة، والحنان، والصداقة، والإحاطة، والرعاية، يمكن أن يعتبر ذلك شكلاً من أشكال التدليل، إلا أن المسألة ليست بهذه البساطة، بدت علاقتها كأنها أصبحت واحداً، وأن عادل يقوم - نيابة عنها - بكل التحديات التي تتمناها من حركية الانطلاق، ولذة الاعتمادية على الأسهل، فالأسهل، واللذة الأسرع فالأسرع.

وبالتالي يتمادى عادل - لحسابها جزئياً - وهو مطمئن، فتزداد هي طيبة أمام الناس، وحضوراً برّاقاً، في الحدود التي تحافظ على صورتها التي رسمتها لنفسها، ويزداد هو - نيابة عنها - في كل شيء آخر: في الجنس، والحصول على اللذة بالكيمياء والاستسهال.

العلاقة بين الأم والأب، يصفها المريض:

".....متفاهمين جداً، بيحبوا بعض وبيخافوا علي بعض وبيساعدوا بعض في حاجات كثيرة، بيحترموا بعض جداً لانهم متدينين وبراعو ربنا في علاقتهم ، بيخرجوا مع بعض يقابلوا أصحابهم كتير، هي شايفة انه عاقل وملتزم وهو حابب فيها انها زى طفلة صغيرة .

يذكر الأب عن ذلك:

....العلاقة من الأول مرت بمراحل صعبة، أنا منظم أحب الهدوء والاحترام جاد قوى، احترم نفسي، ملتزم بالديقة والثانية وهى مش كده، ماعندهاش الدقة والجدية، تحب تصرف

كثير وتنتكت، وأنا أحب لبسها يبقى أكثر التزاما وكلامها بحساب، وهي كده تلقائية وأنا باخاف اللي قدامها يفهمها غلط ويطمع فيها، ولما كنت أواجهها تغضب وتروح لأهلها، وكنا نتخاصم فترات طويلة لكن عمرنا ماغلطنا في بعض، عمرى ماشتمتها شتيمه وحشة، لكن العلاقة من فترة كبيرة مستقرة والدنيا هادية جدا جدا لما هي هديت.

وتذكر الأم عن هذه العلاقة:

العلاقة كويسة جداً، تقدر تقول زيجه ناجحة وحياتنا ماشية ما عندناش مشاكل، علاقتنا كويسة لأن بينا احترام، عمرنا ماغلطنا في بعض، وأكدت الأخت على وصف الأم .

تعقيب د. يحيى (الآن):

إذا كانت العلاقة، بشهادة أصحابها بهذا الجمال وهذه السلامة، فمن على عمل، رجل طيب ناجح ملتزم، وامرأة طفلة تلقائية هائصة مسامحة، وكل شيء تمام التمام هكذا، فكيف تفرز هذه العلاقة كل هذا الخراب والدمار داخل هذا الشاب الجذاب هو الآخر، هل كانت المسألة كلها من بَرّه بَرّه حتى لم يصل إلى داخله ما يشكله في كيان له قوام؟

عادل كان - برغم وسامته وطوله - يشكو من ضعف بنيته واهتزاز شكله. (أنظر النهاية)

لم تقتصر سلامة العلاقة كما وصفت هكذا على بيت برجوازي مغلق، بل امتدت إلى سفر للخارج وصحية معا، وأصحاب منطلقين، وشرب، ثم انتقلت بعد ذلك (ومع ذلك) إلى تدين يعد برفاحية الآخرة أيضا.

في المقابلة التي عرضناها أمس، وحاولنا أن نظهر افتقار المريض إلى "الحق في الوجود" (آلام/النمو) كان ذلك استجابة للفرض الذي وصلنا من كل هذه الرفاحية الجميلة الرخوة السهلة المناسبة، التي تصبح معها آلام النمو أو تحديات العلاقة تزييدا لا لزوم له،

ومن هنا جاء محتوى المقابلة أمس يبحث عن هذا الفرض بشكل أو بآخر.

(4) معالم وتجليات الرفاحية والوفرة

دخل الأسرة عبارة عن راتب الأب بالإضافة لدخل عمل الأم وإيجار شقة وراتب الأخت، مجموع كل ذلك 48 ألف جنيه شهريا.

يسود الجو الأسرى الطابع الدينى والهدوء الشديد، اعتادت الأسرة على التجمع على الإفطار يوم الجمعة من كل أسبوع والخروج لصلاة الجمعة ثم الخروج لتناول الغداء خارج المنزل، كما أن الأب يحرص على أن تسافر الأسرة للخارج مرة سنويا لمدة أسبوع على الأقل للتنزه بأى بلد من بلاد العالم.

تعقيب د. يحيى (الآن):

طيب!! ماذا تبقى بعد ذلك يفسر أن يلجأ عادل إلى المخدر هكذا!!!
يذكر المريض عن جو المنزل:

هادئ مافيش قلق مافيش توتر، لازم نتغدا مع بعض كل يوم جمعة بره البيت، وماما وبابا بيحتفلوا بعيد جوازهم والدنيا هادية، وكل يوم ماما تستنى بابا لما يرجع من الشغل ويتغدوا مع بعض، وأختي بتتغدى لوحدها، أنا المشكلة الرئيسية.

تعقيب د. يحيى (الآن) :

هل هناك ما هو أسعد ولا أطيب من هذا؟

ولكن فيم يصب كل هذا؟ نسمع الأم هذه المرة وكأنها انتهت إلى أن كل هذا لا يعنى البهجة أو الفرحة الخلاقة.

تقول الأم في ذلك:

اللى ييجى البيت يقول البيت كئيب، باباه مايتفرجش على التليفزيون، يا على السرير يا إما في الجامع، وعالية لوحدها، يا في شغلها أو بتذاكر أو في الجامع، أنا تليفزيونيه أنا وعادل والموضوع ده ما يعجبهمش ، لكن كل يوم جمعة لازم نتغدا بره وطول الصيف في مارينا وبنسافر تقريبا كل سنة لبلد أسبوع أو 10 أيام)

(أكد كل من الأب والأخت على ما ذكرته الأم هنا)

تعقيب د. يحيى (الآن) :

هذا هو المستوى الذى تحقق من هذا الوجود الناعم:

الوفرة واللذة!!

الفراغ الدوامه

(5) الأخت:

(أكبر من عادل بسنتين) **عالية** حاصلة على بكالوريوس من الجامعة الأمريكية، تقوم بعمل الماجستير بجامعة أجنبية لها فرع بالقاهرة، تعمل بشركة مهمة جداً، عمل مهم أيضاً.

تحفظ القرآن الكريم كاملاً على يد محفظة تزورها مرة أسبوعياً بالمنزل، حالياً تقوم بإلقاء الدروس للسيدات بأحد المساجد بالمعادي، بالغت في تدينها أثناء دراستها بالجامعة الأمريكية حيث كانت ترتدى جلباباً طويلاً وفضفاضاً وحجاباً طويلاً، ترفض السلام على الرجال أو الحديث معهم، ترفض سماع الأغاني والموسيقى استمر ذلك لعامين سالفين بعدما بدأت في ارتداء البنطلون والبداءى مع حجاب قصير اعتمرت مرة واحدة.

يصفها المريض:

شخصيتها قوية، حاسمة، متدينة، تقدر تقول مدمنة شغل، ما تحبش تضيع وقتها، عاقلة قوى، تعمل خير كثير في الجامع وكده، مش ست بيت.

تصفها الأم :

لغاية أولى ثانوى كانت متمردة وتحب اللبس الخارج، شاطرة في لعب الاسكواش، شاطرة في المدرسة، عندها اصحاب كثير جداً كلهم بنات، حافظة القرآن وتقيم الليل وتصوم كثير، تدى دروس في الجامع، مش جريئة، عندها اعتزاز جامد بنفسها، ماتعرفش تتعامل مع ولاد، غيرت لبسها بصعوبة بعد زن جامد علشان إتأخرت في الجواز.

عن علاقتها بالمريض يذكر:

زمان كانت كويسة، نلعب مع بعض، نروح النادي مع بعض، كنا بنتنافس، بس انا كنت باغير منها، اشوفها بتعمل حاجة اعمل زيه، هى على طول أحسن منى حتى في الاسكواش، عالية الشاطرة المحبوبة المتفوقة المؤدية، وعادل شقى قليل الأدب بتاع المشاكل، حتى لما ما بقاش ينفع أقلدها دخلت هى في الدين جامد وانا دخلت في المخدرات، انا باحترمها لأن شخصيتها قوية ماتسألش على ومايهماش أمرى كلمتى في التبطيل مرة واحدة أو مرتين، يكن علشان هى أنانية تحب مصلحتها بس.

تعقيب د. يحيى (الآن) :

هذه الأسرة أفرزت هذه الفتاة "الناجحة جدا" هى أيضا بطريقتها، وهى أيضا تجمع بين رفاهية الدنيا والآخرة، ويظهر ذلك ليس فقط في شكل نشاطاتها، ولكن أيضا في تطور ملابسها من الفضفضة إلى البادى.

أما علاقتها بعادل، فهى كما جاء بالنص أعلاه،

هذه الأسرة يمكن أن تفرز هذه الفتاة الناجحة القادرة الرائعة،

في نفس الوقت هى التى يخرج منها عادل بهذه الثورة الزائفة التى تقدس اللذة للذة.

(6) تاريخ المريض الدينى

مارس عادل العبادات بشكل متقطع، وحسب الظروف، بما في ذلك أداء عمرة عائلية، وكل مظاهر التدين الرسمى الخفيف.

وبسؤاله عن علاقته بالله يذكر:

....مش كويسة، باحس إنه بيقترب منى وبيساعدنى وانا مديله ظهري، بافتكره في الأوقات الصعبة، حسيت بيه لما كنت مبطل 9 شهور، كنت بادعيه الصبح واشكره بالليل، ولو فيه أى إحساس أو فكرة مضايقتنى ادعيه يرفعها عني، وقربت منه مع إنى ماكنتش بأصلى، ساعات اصلى وأنا ضارب (مخدرات) علشان آخد هديه، أنا عارف إن الناس المتدينة ناس مستريحة وراضية ومبسوطة باللى هى فيه زى أهلى.

تعقيب د. يحيى (الآن) :

يلاحظ هنا تعدد محاور علاقة عادل بالتدين والله،
فمن ناحية : هو يعرف تدين أهله "ناس مستريحة وراضية
ومبسوطة"

ومن ناحية ثانية: هو لا يجد تعارضا أحيانا بين الضرب
(مخدرات) وبين طيبة هذه العلاقة مع الله "عشان آخد هدية"
ومن ناحية ثالثة: هو ينمى علاقة خاصة مع الله سبحانه
وتعالى.

(7) التاريخ الجنسي

- تعرض عادل للتحرش الجنسي في سن 10 سنوات مع ولدين من
جيرانه بشكل عابر.

- أول علاقة جنسية كاملة كانت في سن 15 مع فتاة ليل
تكبره بـ 3 سنوات بشقة أحد الأصدقاء.

- وفي نفس السن أقام علاقة كاملة مع فتاة عربية تعرف
عليها أثناء علاجهما بأحد المستشفيات، كانت مدمنة بتتعالج
معايا ولا خرجنا اتقابلنا في شقة صاحبي، ودئ كانت سادية
تحب تضرب وكانت بتربطني في السرير علشان تتبسط.

في سن 18 عام أقام علاقة كاملة مع فتاة تكبره بعامين
وتكرر ذلك 3 مرات: كانت بتحبني وكنت باخد منها فلوس
علشان أضرب وعلمتها الضرب.

في سن 20 عام وأثناء إقامته بأميركا أقام علاقة جنسية
كامله مع فتاتين الأولى تكبره بـ 5 سنوات والثانية فتاة
تصغره بعامين وهي رفيقه تعاطى اقامت مع المريض 4 شهور
بشقة استأجرها بأحد الفنادق (كانت بتجيبلي كوكاين وكنت
بانام معاها كل يوم).

كما أقام علاقات كاملة 3مرات على الأكثر مع العديد من
زميلات الـ (NA) (5 فتيات) في السنوات الثلاثة الأخيرة (كنت
باجي الاجتماعات اشوف الحريم وهما اللي بيحكوا) وبسؤال
المريض عن موقف الأهل من ذلك:

"...ماما كانت بتقول خلى بالك من الأمراض، خلى بالك
لتشيل ذنب بنت أو تعملك مشكلة وكنا بنحكي في الكلام ده
عادي.

تعقيب د. يحيى (الآن) :

برغم حذف كثير من التفاصيل، وبعض الأحداث المكررة يمكن
أن نلاحظ كيف أن العلاقات الجنسية سارت بنفس الطريقة التي
سادت جو النشأة عموما، الاستسهال،

اللامسئولية،

اللذة العابرة،

اللاعلاقة،

ولا يبقى شيء له معنى بعد هذا كله.

(8) التاريخ الدراسي

المرحلة الإعدادية: أتم المريض سنوات دراسته في مدارس عالمية باهظة التكاليف، والمدرسة ليس لها حضور وغياب، والدراسة بدون عربى ودين، وفيها لعب كثير وكله ينجح: هذا ما أكده كل من الأب والأم .

اعتمد في استنكار دروسه على الدروس الخصوصية في جميع المواد حيث لم يلتزم بالحضور وتم فصله عدة مرات بسبب عدوانه على الزملاء والمدرسين وتدخين السجائر وشرب الخمر بالمدرسة مما اضطر مديرة المدرسة إلى استدعاء ولي الأمر العديد من المرات، مما انتهى بعمل تعاقب مع المريض على أن يلتزم بالحضور بدون تأخير وعدم إثارة الشغب، ولم يلتزم بذلك حيث تم رفضه قبل امتحان نهاية العام بأسبوع ولكنه قام بأداء الامتحان بعد عدة محاولات من الأهل .

كانت للمريض عدة هوايات حيث التزم بالتدريب في لعبتي الاسكواش والفروسية لنادى المعادى ودخل عدة مسابقات ولم يحصل على أى مركز فيها.

تعقيب د. يحيى (الآن):

استسهال آخر في مجال آخر

عادل يصف هشاشة ذاته وعلاقة ذلك برحلته مع المخدرات:

".....جسمى ماكانش عاجبني، طويل قوى ورفيع، كنت باليس بنطلون تحت البنطلون والـ تى شرت تحت الـ تى شيرت علشان ابان احسن وده فضل معايًا خد 19 سنة وده كان بيخليني خايف من الناس.

موضوع الحركة الكثير والمشاكل كنت حاببها لأنها بتخليني مختلف، لكن برضه كنت خايف، ولما ابتديت اجرب المخدرات حسيت انى كبير، صابع وعندي ثقة في نفسي وأضرب مخدرات، يبقى حاكم نسوان وهيبقى لى مكان وسط الناس الى اكبر منى لأن معاهم الإمكانيات الأكبر، عربية، فلوس، نسوان.

كنت عاوز احس بالاختلاف، ما اصاحبش العيال الى قدى لأنى كنت باشوف الأصغر تافهين وتفكيرهم صغير، وأنا وجسمى كان طويل فكان سهل انى اقعد مع ناس اكبر منى والحاجة الى كان ممكن تبقى مشتركة المخدرات، بقيت اشوف الناس الى بتعمل حاجات غلط هم الى معروفين فبقيت احب الغلط، ابقى ضد المجتمع، ضد الدين، ضد الحكومة، الممنوع مرغوب. وبدأت آخذ مخدرات وأنا عندى 13 سنة كان على سبيل التجربة أخذت بانجو

عجبتني الدماغ، حسيت إنى كده مبسوط ومزاجى رايق، خلانى باعرف اهرج وحسنى إنى بقيت صايح، فده حبنى أكثر فيه، كنت شايف اصحابي بيشرّبوه بقالهم فتره وعادى مابيحصلهمش حاجة، وأنا كنت شايف الشباب اللى بتشرّبه مثل اعلى لى، قعدت اشربه سنتين، 6 سجائر فى اليوم مع حشيش نصف قرش، الحشيش دماغه هاديه، حبيت البانجو أكثر من الحشيش، اهلى عرفوا بعد ما شربت بأسبوعين، ودونى لدكاتره كثير، بعدين عرفت ابو صليبة قعدت فيه سنه ونصف من 2 - 4 حبايات فى اليوم استحلاب وشم، ودى ياه كانه بتدينى ثقة فى نفسى جامدة، بتخلينى قلبى ميت وما باخفش، يعنى اعرف اخش على حرمة واثبتها، لكن زود المشاكل فى البيت، لسانى ثقيل بنام كثير، وعصى جداً وتكسّر إزاز، اتخانق معاهم وده خلاهم دخلوني المستشفى. أول ماخرجت رجعت على طول للبانجو والحشيش والصليبة وبعدين اتعرفت على الحب الكبير، الأب الكبير، الذهب الأحمر، الكودافين. اشرب إزازة الكودافين اطلع اخطب مكان حسنى مبارك. كنت باحبه قوى، تماديت فيه قوى وبقي يخلينى مستريح جداً جداً، باقول كلام حلو، هادئ جداً، أثبت النسوان فى التليفون، حلو فى الجنس، بيساعدنى فى المذاكرة، بيخلينى اعرف اقعد وكمان اركز، شويه وبدأت اخذ معاه سومادريل وبرنكلاز شريط وشريط مع الإزازة مع الحشيش والبانجو وده لمدة سنتين ولما على الكودافين من 2001 اتعرفت على البودره. فى الأول حرق بعدين PRK لما قالوا دماغها أحلى وأقوى وصلت لـ 4/3 جرام فى اليوم اعمل مشاكل ادخل المستشفى ومشى النظام على كده.

- جربت إكستازى من 99 مرة واحدة بعدين دخلت فيها 2001 فى مصر، مش حافولك يخليك أسعد إنسان، يتزود هرمون السعادة لأقصى درجه، بقيت احس انى أسعد إنسان فى الدنيا وكل حاجة محلولة وتدينى طاقة جامدة قوى تخلينى ارقص، اسميها حبوب الرقص، 3 - 4 حبايات لما تكون موجودة عمرى ما قلت عليها لا لخد دلوقتي، أما الكوكايين فهو أحسن مخدر أخذته فى حياتى، الدماغ العالية قوى حب الناس، بالقى اجتماعى يديك ثقة قوية قوى فى النفس، يحسك انك أعظم إنسان فى الدنيا ماشى على الأرض، وفيك طاقة قوية جداً وجربت I.S.D. والماشروم. فى أمريكا وهولندا، كنت مدمن إكسات فى أمريكا فتاجرت فيها سنة من حى فيها علشان أجيب فلوسها، كنت باطلع حق 3 - 4 حبايات فى اليوم، حى للمخدرات كان بيخلينى كل ما نزوح بلد احب اجرب المخدرات فيها، أهلى يتفصحوا ويستمتعوا بطريقتهم يلفوا على أماكن سياحية ويلفوا موانى العالم وأنا ألف أدور على المخدرات، ما أروحش بلد إلا لما اطلع مخدرات منها، انزل المناطق الشعبية اشوف ضرب ألاجيه تطلع مخدرات، كنت باسبب أهلى فى فرنسا وأساfer هولندا، جيت كل الخيرات. يمكن موضوع السفر بوطنى أكثر، كنت باشوف بلاد جديدة، انفتاح أكثر دماغى فيها تقاليد وعادات بلاد كثير، بقيت اركز الناس بتاكل إزاي بتعامل إزاي بتتبسط إزاي.

الأب يحكى ويصف ويرر:

- عادل طول عمره يحب الغلط، يحب يجرب كل حاجة ما يحبش يبقى جوة نظام، ما عندوش boundaries وده خلاه على طول يغلط واحنا نصلح غلطه، ودايماً يتشتم يا غي ويا همار يا كذا وده ما خلاش عنده ثقة في نفسه، والموضوع ده بدأ وهو عنده 5 سنين، حركة كثير، مافيش تركيز، ما يعرفش يقعد، زن كثير على طلبات ومافيش حاجة اسمها تأجيل، لازم دلوقتي، ما فيش عقاب بيأثر فيه، يتعاقب ويرجع يعمل الحاجة تاني، كان بيععزني، احبسه 3 ساعات يقول يعني اطلع الساعة كام وما يتأثرش.

- عاقبته عقاب شديد ربطته بسلسلة من إيديه في طريزة السفره لمدة يومين وبقي يععزني، يقول أنا كده ممكن افك نفسي؛ اربطني بالطريقة الفلانية، بلا مبالاة، بقيت، أعاقبه جامد، وما فيش فايده.

- اول ما يزن على امه تكسر كل اللي عملته فزهقت منه وما بقتش اكلمه واخاصمه.

من وصف الأم:

أكيد علشان مشاكله الأولانية كان مكروه ومش محبوب فماكانش عنده ثقة في نفسه، ما يعرفش يصاحب بنات، الوقت ثقيل عليه قوى يقول الـ 3 ساعات مش عاوزين يعدوا دول دهر، وهو ما يعرفش بأجل، عادل أول لما أخذ بانجو اتبدل، مابقاش فيه مشاكل، مافيش مدرسين تشتكى، مافيش خناق، ولا عوايز كثير وبقي طفل جميل هادئ بيسمع الكلام، فبقى متمسك بيها جداً!! يقول الوقت بيعدى كده والحياة حلوة.

لكن لما دخل في الرشام فضح الدنيا. سرقة من البيت ومن الشارع وتكسير البيت، وكنا مستحملين علشان الدراسة ولما بدأ يأخذ كودافين كثير، جاله سكر وهو عنده 14 سنة وكان عنده ضعف مناعة وجاله ربو وسعال ديكي وبقي كتوم ما يتكلمش في الموضوع ده إلا لما اضغط عليه يقول اشعني انا اللي يجيلي سكر وانا صغير، أخذ انسولين ليه؟ وبقي خايف ليموت، وبقي يضرب كثير، على طول ناي على روحه وإذا دخلناه مستشفى يخرج يقول أخذ حشيش بس، نعتز يقول ما انتوا كنتوا بتشربوا خمرة الحشيش مش مشكلة، كام يوم ويرجع للمشاكل، ندخله مستشفى، وهكذا بقي شايف ان المستشفى هي المشكلة، وديناه امريكا جامعة عسكرية علشان يتعود على النظام وكان هائل، اول سنة بطل مخدرات، بقي يشرب خمرة في آخر الأسبوع، ويك إند، تاني سنة الدنيا اتخربت، طردوه من سكن الجامعة وسرق كارت فيزا، من واحد صاحبه واتعملت له قضية ولسه شغالة لحد دلوقتي، وتاجر في ecstasy ونزلناه مصر بالعافية، دخل مستشفى 18 مرة وركب كبسولة مرتين، كل يوم حادثة عربية، زدنا مصروفه لـ 350 جنيه في الأسبوع غير سجايره وبنزين عربيته وموبايله علشان ما يسرقش، وبقاله فترة ما سرقش ولا حاجة، هو اتعالج قبل كده وقالوا خلاص عادل خف وتعالوا احتفلوا بيه ورحنا ورجع تاني، احنا المره دى بنعمل اللي تقولوا عليه ومش مصدقين انه ممكن يخف.

ثم كيف تراه هذه الأخت؟

ما عندوش ثقة في نفسه، يبص على جسمه ويقول انا شكلى وحش وطويل ورفيع ورجلى رفيعه ومش قوى، أى حد ممكن يضربنى، فبقى يصاحب اللى اكبر منه بـ 4 - 5 سنين وبقى يحب الغلط، يحب يعمل الممنوع لأنه بيخليه مميز وده خلاه يتقال عليه شقى وغنى وبتاع مشاكل وخلص، لبس الموضوع ده لدرجة ان العقاب ما بقاش يآثر معاه، والموضوع زاد لما ماما بقت تتعامل مع الموضوع ده على انه خفة دم وجرأة، يبجح في مدرس أو يشتم تقول شاطر، بيرد على المدرسين، وطبعاً معاه فلوس وإمكانيات، وهو أصلاً عنده استسهال فظيع فبدأ ياخذ مخدرات، وطبعاً هي حلوه لقي نفسه فيها وبقى عادى في البيت إنه يشرب حشيش وبانجو، وما عندوش وازع دينى، وعزيمته ضعيفة فليه يبطل؟ مع انه لما بطل كان فرحان وميسوط وحاسس بأمان، لكن مالقاش بديل ما حبش اصحابه بتوع الـ N.A.

مشكلة عادل انه عارف آخر ماما وبابا. يزن على ماما تقوله اعمل اللى انت عاوزة، وبابا يبعد عنه ويخاصمه بالشهور ويهرب من المسؤولية بحجة إنه مش عاوز يهين نفسه، وده حقيقى لأن بابا ما يحبش الغلط وما يعرفش يقول لفظ وحش.

وقفة ووعد وصعوبة

انتهت المتقطعات من أوراق المشاهدة

نقوم الأسبوع القادم بالتعليق على المتقطعات الأخيرة،

كما سوف نضيف المتقطعات من الشرح والمناقشة بعد اللقاء العلمى التدريبي الذى قدمت فيه الحالة

لعل الأمر قد اتضح في هذه النشرة بما كنا نعنيه أمس من أن عادل نشأ في هذا "الجو الأسرى الجميل الناجح الطموح اللذيذ الرخو المسامح المنضبط"

ثم كان ما كان، وقد حرم حق الأم الخلاق، ألم النمو كما أوضحنا أمس.

- كل الرموز والأسماء والأماكن لا تدل على أصحابها أصلاً.